



UNIVERSITÄTS-
BIBLIOTHEK
PADERBORN

**Florus Biblicus Seu Narrationes, Ex Veteri Testamento
Selectæ**

Pexenfelder, Michael

[S.l.], 1711

XXXIX. Pluriu[m] Cha[n]a[n]it. regu[m] extirpatio. &c.

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

nascentur ab illis. Et ideo *Nathinæi* sunt dicti, quia si in perpetuum Templi (quod postea Salomon extruxit) famulatum donati. Ita fieri amat; decipit seipsum, quisquis decipit alios. Fallacem linguam luere mancipatæ manus & scapulæ Mendaciorum redempta vita, empta longa servitus. Potuisset hanc avertere, & illam servare supplex veritas:

NARRATIO XXXIX.
 PLVRIVM CHANANITIDIS REGVM
 EXSTIRPATIO VICTORE JOSUA, COELO, SOLE, LUNA JUVANTIBUS.
 Lib. Jos. cap. 10. 11. 12. Anno Nundi 2584.
 2585. 2586. &c. Ante Christum. 1469.
 1468. 1467. &c.

Gabaonis amicitia cum Hebræis inita, quantum novis fœderatis, ex securitate salutari tantum vicinos apud reges ac populos, et transfugio, fuit invidiæ. Quare concitante re tam latè viciniam, *Adonisedeco*, Jerosolymorum rege; (aberat namque Hierosolyma Gabaone hauri amplius duabus leucis, seu horis) priusquam communi consilio, copiisque, Chananitis universarum quæ conjurârat in Josuen, conveniret; *Obas* interrim Hebrónis *Pharas*, *Ierimothæ*; *Iaphias*, *Lachis*; *Dabir*, *Eglonis* reges, stirpis Amorrhææ posteritas, bellum li facere principium instituunt. Peditatus igitur equitum

equitatis ingenti collecta manu, primùm Adoni-
 fedeco se jungunt. Deinde concordibus & copijs,
 & animis ad Gabaonem castra locant. Gabaonitis
 ab hoste tam multiplici circumfessis, & in arcto jam
 positis? Josue laturus opem, è castris Galgalæis
 properat in hostem. Validissimam ducebat, ala-
 crèque manum, & ideò nihil neque laboris, ne-
 que periculi detrectantem. Quò factum est; ut
 nocte tota strenuè profectus, & indefessè; priùs,
 quàm matutina lux allatum subsidium aperiret, &
 amicis pariter inexpectatus, & hostibus improvi-
 sus superveniret. Sopitos adhuc & semisomnes,
 ac partim arma contra parentes, partim per trepida-
 tionem omittentes, immani cæde vastat, ac di-
 sturbat. Auditò, quod foris gerebatur, circum-
 clusi castris ab hostilibus Gabaonitæ, portis etiam
 ipsi erumpunt, ac cædem adjutant.

Vincendi quinque reges erant, cum totidem ex-
 ercitus, quibus tamen cum res Hebræa, locis om-
 nibus, superior esset, profligati tandem, dare terga
 fugæ ceperunt. Sed quantum illi celeritatis in fuga;
 tantum in iisdem insectandis Josue ponebat, qui ter-
 ga trepidantium assiduè cædendo, vias omnes ca-
 daveribus implebat. Juvabat autem cladis magni-
 tudinem, è Cælo DEus, Josuæ commilito. Cum
 enim fugæ principium, (ut fieri suevit) ardentissi-
 mum, Amorrhæos *Bethoronem* celeriter pertulisset;
 priùs, quàm oppidi fines, in arduo siti, declivi colli-
 um descensu, post se relinquerent: ecce tibi, nu-
 bes insolenti repentè tempestatis procella, caloré-
 que conglomeratæ, vim lapidum ingentem ac den-
 sam, grandinis prodigiosa magnitudine, super fu-
 gi-

gientes effundunt, Horum, plerosque cum neq̄
 scuta tegerent, (quippe cursûs expeditioris, ac stu-
 diô fugæ celerioris, abjecta) nec cæteros hostis in-
 sequens, feriendo, vulnerandóque sternere cessare
 saxa cælestia cooperuère, funere longè numeroso
 re deletos, quàm quos in acie fugaque ferrum ho-
 stile sustulerat. Quantum *Bethorónem* inter & *azi-*
cam interjacet spatij, quod ferè decem millium est
 passuum: trucidatorum corporibus omne comple-
 tum, natabat sanguine, grandinèque sensim lique-
 scente.

Sed nihil osecius eorum, qui grandinem, & furen-
 tem Hebræum evaserant, tanta superfuit sparsa per
 agros, viasque copia; victoribus ut admirationi
 pariter essent, ac dolori. Solitudinem enim ac
 metum injecerant, ne tam ingens ex omni penè
Chananitide Superiore, suis excita sedibus, barbarorum
 vis, si cladem evasisset, denuò conflueret: ac ce-
 terorum addita regum copiis, laborem Josuæ in-
 immensum augetet. Lucis ac diei perexiguum e-
 rat futurum reliquum: tametsi prælium coeptum
 ante diluculum in vesperam usque productum esset.
 Josue Dux igitur, mentem impellente Numine, dum
 est in medio victoriæ cursu, versus primùm ad So-
 lem (qui tunc, ut in æstivo solstitio, Gabaonem
 affulgebat ab Cyprio mari) mox ad Lunam quo-
 que quæ contra vallem *Ajaloniam*, jam jam albesce-
 bat: & hanc stare iubet, & illum. *Solem* quidem,
 ne properaret ad occubitum; Lunam, ne plenior
 radio noctem inchoaret antè, quàm Amorrhæorum
 quinque regum universus esset extirpatus exerci-
 tus. Et imperio paruit utrumque Sidus: ab eo præ-
 cepti

cepti momento, prorogato splendore Solis, quantum unius æstivæ lucis esse spatium consuevit: quod quindecim, ut minimum, & aliquantò plus, horarum est. Quò tam longò, Solis ac Numinis, usus beneficiò miles; DEO fatigatis suppediante vires novas: cædendi, sternendique finem non antè fecit, quàm ad interneccionem funderetur Amorrhæus, & Sol tum demum, ubi nullam vidit, Hebræo gladio debitam, restare victimam, lumen suum, diemque clausit.

At effugerant Adonisedecus, Ohas, Pharas, Japhias, ac Dabir, reges. Hos fuga sociata, Macédam usque pavitantes abstulerat. Ibi ex fuga in speluncam se conijciunt. asylum ac latebras, uti sperabant, reperturi. Quò Josue compertò, mox jubet obstrui specus os, immanibus advolutis petris; appositis, qui cum cura, ne fortè per altum elaberentur, excubias agerent. Ipse verò reversus Macédam cum omnibus copiis, revolutis saxis, imperat produci latitantes; exsangues metu, supplices, & conditione quavis incolumitatem pacisci paratos. Sed nullam merebantur clementiam, quos DEI severum imperium, & sua, correctionis impatiens, pravitas, Josuæ puniendos, delegaverat. Hic ergo surdis ad tyrannorum ploratus auribus, humi primum eos sterni: deinde principum ac tribunorum, proteri pedibus stratorum colla, præcepit. Ad extremum, frustra Deorum, quos impios impiè coluerunt, opem inclamantes, defixis, pro numero reorum, stipitibus, in suam quemque crucem tolli jubet, ac mori. Post suspendium autem, ac mortem detractorum, ad Solis occubitus corpora, red-

ditas peluncæ sunt: occludi Josue mandavit; saxis grandibus in monumentum ignominie sempiternum, ad os specus aggestis. Perfecto supplicio regum, ac legionibus ad Macèdam, eodem adhuc die, raptis; impetu primo capit urbem: captam, interfectis incolis omnibus, ferro, flammâ, direptionibus exhaurit.

Post hæc, urbes *Lebnam*, *Lachin*, *Eglonem*, *Hebronam*, *Dabiram*, seu *Cariath-Sephèram*, Chananæorum Aca- demiam adoritur: easque cum regibus suis, & incolis, capit ac evastat. Novas interim turbas & bella ferit, adversus Josuen, *Jabinus*, rex *Achoris*; urbis & regni omnium potentissimi. Is inferioris, seu Aquilonaris Chananitidis reges, & regna omnia concitavit in Hebræos: coram & per legatos. Dum Iustrantur copie ad aquas *Merom*, seu Lacum *Sama- choniten*, improvidis supervenit Josue, consternatosque Hebræorum vocibus, armis, insultu quaversum horribili, DEO præsertim territis terrorem superaddente, fundit, fugat, cædit. Ac ne curribus quidem falcatis, imperio Numinis, illius belli ministris, & comitibus data venia: quò minus, & hi, cultris varices incidentibus, ad gressum redderentur inhabiles; & illi, cum harpis simul suis, incendio pabulum, rogusque fierent. Præda ingens, quantam in castra portare tot myriadam hominum potuere manus, ac jumenta, capta, & in *Galgala* a- vecta. Sed prius quæsi reges & tyranni, qui cædi superfuerant: ac mactati sunt. *Jabinus* imprimis cum regia simul urbe, captus tandem; urbs incensa, incolæ omnes trucidati, rex gladio necatus est. Ita sexennii, circuitu tota ferè subacta, divisaque

victoribus est, Chanaanitis regio; Chananaeum autem nomen omne sic accisum, ut censeretur quodammodo posset eradicatum. Quod factum est, ut in castra Galgalorum redeunti Josuae, defigi, jure quam optimo potuerit, *Vnius, ac triginta Regum* superoperatorum, memorabile tropaeum: qui partim ipsi, Mosique; partim Josuae soli, sine bellorum collega, procubere victi, sublatique. Recenset eos omnes ac singulos, nominatque Sacer Josuae libellus. Ubi velim, intelligas, Reges ad eum ritum, ac potentiae modulum appellari solitos esse reipsaque fuisse: quinque regio more, jureque, locis haud incelebribus, [ab urbe principe plerumque regium nomen capiebant] dominationem obtinerent; alienis arbitriis aut penitus non obnoxiam; aut, si multum, non nisi stipendiariam, fiduciariamve. Caeterum laudem omnibus Imperatoribus invidendam, duo continent verba: JOSUE STATOR SOLIS.

NARRATIO XL.

ADONIBEZECITY-
RANNIS, LAISARUM
IDOLOLATRIA, GABAITARUM
LIBIDO VINDICATA.

Judic. 1. Anno Mundi 2601. Ante Christum 1452. Et Judic. 19. 20. 21. Anno Mundi 2622. Ante Christum 1431.

L s

Bos